

Lo' Onsem Onofhäm

Den 11. Më 1867, zu London, hun t'Vertiëder fum letzeburger Land mat de Vertiëder fun de grosse Muochten fun Europa e Vertrag ennerzéchnet déen onsem Land op e'weg Zeiten se'ng Frei-hët an se'ng Onofhängegkët garant'ere soll. Kurz doropp hun de friém Truppen Letzeburg verlos an an ons Verfassong konnte mer aschreiwen dass Letzeburg e freit, onofhängegt a neutral Land wir.

Schwe'er Zeiten sin zenterhîr an't Land an iwer d'Weltkomm. Mächtig Länner si' verschwonnen, anerer sin nei erstânen, vill Länner hun hîren Här an Mëschter gewiesselt. Ons Hëmecht bluew bestöen, ons frei Institutio'nen konnten sech frei entweckelen, ons wirtschaftlech a sozial Verhältnisser sech verbessern an de' Friém de' haut an ost Land kommen bewonneren a beneiden ons.

Wann nun haut spontan de Ruff aus dem Vollek kennt den Dâg ze feiern den ons fun aller Welt t'Recht op Frei-hët an Onofhängegkët zo'erkannt huet, dann ass et an der Iwerzégong, dass mer nemmen zesummen ze hâlen brauchen, fir ons Frei-hët a fir ons Onofhängegkët ze behâlen. E Vollek dât sech selwer ewëg werft, ass verlûr. Ma e Vollek dât fun der ganzer Welt seng Le'ft zur Hëmecht émidëg beweiisst, dat Vollek kann net verschwannen.

Vielleicht wäre mer hei an do ze vill kâl, de' déglech Surgen dé jidverën hûet, hun ons hei an't do vergiëssen gedun dass iwer de klëngen Suergen fun all Dâg t'Suergen emt Land stin. Wam nu grâd an de leschten 25 Jôr, och bei ons, t'patriotesch Gefiller sech verdëft hun, wa mer ons selwer me' Rechenschaft gin hun fun onser Le'ft zû onserer letzeburger Hë-mëcht, da kûm ons de' Erkenntness an de grossen Gefören, dé friem a gre'sser Län-ner we' onst z'erdroen hâten. Da wâr et

och well mer emmer mé' dé' Iwerzégong krûten, dé' kën ons mé' eweg helt, dass mer zu kengem friëmen Land, zu' wat fer enger Seit et och leit, passen an das Letzeburger nemmen Letzeburger sin an duerfir och nemmen an engem letzeburger Staat zefridden a glecklich könne sin.

Wann am Londoner Vertrag fum 11. Më 1867 stët, t'letzeburger Land misst en onofhängegt a neutral Land bleiwen dât fu kengem vu sengen Nôper dârt eruwert gin, dann hâten d'Gruosso'môchten frun allem den Zweck de Fridden fun Europa net we'nt ons ste'ren ze lÛssen. Démols hâten d'Preisen an t'Franzô'sen we'nt ons bâl Krich gemât. Si, an och de' âner Muôchten fun Europa, hu schliesslich font, dass et besser fir de Fridden fun Europa wir, et kiém ké friëme Mëschter mé' no Letzeburg an t'gëng é fir allemôl fun aller Welt an der feierlechster Form erklârt gin, dât klëngt Land dât fre'er eng gross Roll an Europa gespillt hât, dât zenter dem 15ten Jôrhoneert so' oft we'nt senger militärescher Wichtigekët de frieme Mëschter hât wiësseln missen, dat klëngt Land an dem e klëngt Vollek fun égener Sprôch a Gebreicher ge'ng liëwen, dat soll nun endlech ganz frei gin a mat senger Frei-hët senge gro'ssen Nôpern de Fridde brengen.

Ons Frei-hët quof, eso', e wichtige Kapi-tel am Friedenswirk fun Europa. Ons Onofhängegkët an ons Neutralite't quofen eng Bedë'ngong fum europäischen Frid-den iwerhâpt an't Rivalite't zweschen den èngen an den âneren kann nie zo' lossen dass Letzeburg als onofhängegt Land ver-schwent.

Eso si mer durch de Krich jo komm, eso' si mer och durch de Weltkrieg fun 1914 komm trotz alle Gefören.

A wât fer eng Fréd a wât fer eng Erlichterong as durch d'Land gâng we'

mer he'eren hun dass t'Regierong op en neis Verhandlungen mat onse mächtigen Nôper opgeholl hut an d'ass ze erwârdën ass, dass a kurzer Zeit e neien Vertrag ons Onofhängegkët bestätigen a bestierke soll.

Ma net op t'Ausland aleng sollen mer ons verlossen. Haut, me' we' jé, musse mer der Welt beweisen, dass t'ganz letzeburger Vollek éns ass an senger Le'ft zur Hëmecht an an sengem festen Wellen, e freit an onofhängegt Vollek zu bleiwen. Nemmen wa mer selwer net un ons zwei-welen, nemmen wâ mer dem Ausland onsen nationalen Wellen weisen an be-weisen, denkt kën Ausland drun ons eppes ze dûn.

Dofir müssen mer all Gelegenhët beno-tzen ons Hëmechtsle'ft ze beweisen. Eng Hëmechtsle'ft de' keng Spetz dreift gént kën Nôper, dé ge'nt kën beleidigend ass, ma eng Hëmechtsle'ft dé an onser égener Zefriddenhet, an onser Zesummegehe'reg-ke't seng Wurzeln hût. Alles wât national ass, musse mer pflegen.

Duefir musse mer vir un allem fest-hâlen un onser nationaler Dynastie, mat Le'wt a Respekt fir en Herrscherhaus dât mer zenter dem Krich me' a me' als de' bescht Garantie fir ons Selbstänneqkët müssen ungesinn.

An onser Sprôch do leit jo alles wât ons zesummehâlt, wât et mecht dass mer ons verstinn, suguer och wa mer émol net d'accord sin.

Eso' en Dâg we' haut ass mé' wé' en aneren dozo' do', ons zesummen ze fan-nen, ons kleng Disputen ze vergiëssen, an nemmen un dât ze denken, wât ons all am Herz leit a wât mer nie me' ver-messen wellten:

J'Frei